

Tras di Navarra tin comerciantenan conoci

Invento centronan di bingo mester worde investiga

*Ainda no tin ley pa sostene permisonan duna
*Con Rudy a scohe esnan cu lo haya permiso ta straño

ORANJESTAD(AAN)— Ta sumamente straño cu di ripiente diferente persona a dicidi cu nan ta haya cu bingo mester bandona casinonan y bay diferente parti di Aruba. Na un forma of otro, mester tabata tin un punto central cu esnan envolvi a topa otro y cu Rudy Croes, sin cu Ley a worde cambia ainda, ta dicidi di otorga e permiso pa centronan di bingo na personanan poderoso. Investigacion di DIARIO ta indica cu tras di Navarra Properties N.V., cu Rudy a duna permiso tambe, tin cantidad di nomber. No tabata tin destaho publico pa e centronan, cu lo por bira centronan cu ta promove wega di placa cu tur resultado cu e tin pa Aruba! Ademas ta straño cu no ta empresanan chikito di Arubianonan, por ehempel envolvi den catochi, a haya un chens pa gana placa.

Wega di placa ta algo sumamente peligroso. Tras di casonan di suicidio, ladronia, malversacion di placa, ta sconde hopi vez e vicio di wega di placa, cu ta haci esnan cu cay den su trampa, esclavo. Mientras bingo ta worde hunga den hotel, e ta parti di entrada di e casino. Na momento cu papia di

centronan di bingo, nan entrada ta depende completamente ariba e cantidad di weganen y pa nan produci placa pa e negoshinan envolvi ta hopi hende mester pasa hopi ora den e centronan pa hunga bingo.

Hopi vez e hungador di placa ta kere cu e ta gana y ora e cuminsa perde, ta sigui. Manera a worde splica na DIARIO, lo no bay atrae turistanan na e centronan aki, cu lo ta mas dirigi ariba ciudadanonan, ya cu bingo ta wega cu generalmente personanan di Aruba ta hunga. Otro posibilidad ta, cu e doño ta huur e centronan na un instancia, cu ta tene wega di bingo.

Te awor centronan di bingo ta ilegal, pasobra e no ta regla pa Ley. Con Ministro Rudy Croes a haya sa kende lo ta

interesa den un centro di bingo, ta otro pregunta.

Mientras te awor e atencion tabata ariba Caya Grandi, lo tin centronan di bingo na otro lugarnan tambe. Permiso pa centro di bingo a worde otorga entre otro tambe na Navarra N.V. y como representante a worde nombra Koeman.

DIARIO a bay investiga e asunto y a descubri cu Hendrikus Koeman ta registra na Camara di Comercio como Managing Director di B.C.R. Support N.V., cu ta duna conseho ariba tereno di marketing, public relations, propaganda y benta. Ademas e ta tene su mes ocupa cu investigacion di mercado, planning y maneho di mercado. E ta duna conseho ariba tereno di turismo y curso na personal cu mester traha den

empresanan relaciona cu e empresanan menciona.

B.C.R. Support ta forma parti di Navarra Properties N.V., cu a worde funda dia 16 di October di 2001. BCR Support ta uno di e dos Managing Directors di e compania Navarra N.V. Tanto e como Premium Guidance N.v., tin autoridad limita den e compania Navarra Properties N.V. cu ademas tin como Supervisory Director tres otro persona.

Navarra Properties tin como meta pa entre otro cumpra, hur, desaroya propiedadnan

cu ta situa ariba cierto tereno na Aruba. E

acomodacionnan cu worde construi no ta huur ariba un base diario.

Pakico Rudy Croes a eligi e grupo aki pa duna e permiso di centro di bingo y con por ta cu nan tambe a dicidi dirpiente pa Bingohal ta desconoci. Hecho ta cu tin situacionnan straño y hasta digno di investigacion pa Pueblo haya satisfaccion pasobra no ta hendenan di Pueblo Gobierno a duna e oportunidad pa haci bon negoshi di placa!

➔ **Bo ta mira algo pasando?**

Accidente • Candela • Hincamento • Problema

Yama Tipline di

DIARIO

582-2239

PIET HEIN SLAAPT NIET!!



**BEST
DEAL**

Tel: 5827100

(Pariba di Aruba Bank, Paradera)

Shampoo

Alberto VO5 Afl. 2,95

Conditioner

Alberto VO5 Afl. 2,95

**SHAMPOO
White Rain**

Afl. 1,=
SO!

Prijs mas abou no tin.
BEST DEAL Paradera.